

եռանդով պտտում էին ուխտաւորների բանակի մէջ, կատարելու նրանց պահանջները: Մղդսիներն էին վաճառում մատաղացու ոչխարները եւ մատուցանում էին ուխտաւորներին ինչ որ նրանց պէտք էր: Եւ դրանց մէջն էր վանքի սպասաւորների օգուտը: Ամէն մի կտրած մատաղի ազդրը մղդսիների սեփականութիւնն էր, իսկ մորթը պատկանում էր վանքին: Եւ վարդապետների թիւը մղդսիներից պակաս չէր, որոնք հաւաքում էին մորթերը:

Պառաւ խաթունը վաղուց գնել էր մեր մատաղացու ոչխարը, մի սպիտակ, անարատ խոյ:

– Ի՞նչ եղաւ, ուշացաւ վարդապետը, – ասում էր անդադար պառաւը: – Չեկաւ, որ աղը օրինէ :

– Ի՞նչ պէտք է օրինած աղը, – հարցրի ես:

– Կարծես, հայ – քրիստոնեայի տղայ չիլի, – պատասխանեց պառաւը կծու կերպով. – այսքանն էլ չէ իմանում, բայց հինգ տարի վարժատուն է գնացել, գիրք է կարդացել...

Մարօն ասաց՝ թէ օրինած աղը նրա համար է, որ ուտացնում են մատաղին նախքան նրան զոհելը:

Վերջապէս յայտնեցաւ վարդապետը: Նա այնքան զբաղուած էր, որ հազիւ ժամանակ ունեցաւ առնել իր ափի մէջ մի քիչ աղի փշրանք, որը մօտեցրուց իր բերանին, անլսելի ձայնով փնթփնթաց նրա վրայ մի քանի խօսքեր – ի հարկէ աղօթք պէտք է լինէր – եւ ապա տոեց աղը պառաւ խաթունին: Պառաւը ամեց աղը, վարդապետի աջը համբուրելով, եւ միեւնոյն ժամանակ կոխեց նրա ափի մէջ մի բան: Վարդապետը շնորհակալութիւն յայտնեց, օրինեց եւ հեռացաւ, ասելով՝ «ընդունելի մատաղ լիլի, սուրբ աստուածածնի օրհնութիւնը ձեզանից անպակաս լինի՛է եւ այլն:

Աղն ուտացրինք ոչխարին, խեղճ անասունը այնպէս ախորժանօք կերաւ, ամենեւին չմտածելով, թէ այնուհետեւ որպիսի դառն վիճակ էր սպասում նրան:

Թէեւ ես երկար թափառեցի ուխտաւորների բանակի մէջ, բայց տակաւին իմ նպատակին հասած չէի. սալմաստեցիներից ոչ մէկին չտեսայ: Վանքի մղդսին յայտնեց՝ թէ նրանց քարաւանը իջեւանել է բլուրի միւս կողմում, որովհետեւ սալմաստեցիք, ուխտաւորների վերջիները լինելով, վանքի մօտակայքում տեղ չգտան: Երբ ես տոեցի նրան երկու դուրուշնոցը, նա յանձն առաւ տանել ինձ եւ ցոյց տալ նրանց տեղը:

Եւ իրաւ, իւրաքանչիւր երկրի ուխտաւորների քարաւանը իջեւանել էր մի առանձին տեղում: Ամբողջ կէս ժամ մենք անց էինք կենում այն ընդար-